


REVISTA SITUASAUN JUÑU 2015

ASUNTU NE'EBÉ PRESIZA TAU ATENSAUN

- ▶ Númeru insidente violénsia iha Dili, aas nafatin husi fulan Marsu-Juñu kompara ho Munisipiu sira seluk;
- ▶ Insidente violénsia ho númeru aas tanba Asuntu Política hamutuk 22 mak akontese iha Juñu. Insidente hirak ne'e inklui:
 - Polítika Programa Nasionál ba sukat rai husi Ekpa Servisu Nasionál Cadastral (SNC);
 - Komandu Operasaun Konjunta (KOK), Hanita iha Munisipiu Baukau;
 - Programa Nasionál ba Zona Ekonomia Espesiál Oekusi (ZEESM).

NÚMERU INSIDENTE VIOLÉNSIA IHA DILI, AAS NAFATIN HUSI FULAN MARSU-JUÑU KOMPORA HO MUNISIPIU SIRA SELUK

Sistema Atensaun no Responde Sedu (AtReS) rekolla dadus insidente maka'as liu (54) akontese iha Dili iha fulan Juñu, kompara ho munisipiu sira seluk. Haree gráfiku insidente violénsia tuir Postu Administrativa iha Dili hanesan tuir mai:



Husi Marsu too Juñu iha total insidente 447 mak rekolla husi sistema AtReS, no husi númeru ne'e, iha insidente 185 mak akontese iha Munisipiu Dili ka 41% husi total insidente. Kategoria insidente violénsia durante fulan 4 akontese iha Munisipiu Dili ne'e mak hanesan:

- Insidente violénsia liga ba juventude hamutuk 61;
- Insidente violénsia liga ba disputa rai tanba hadau malu toos/natar no hadau malu rai ba uma fatin hamutuk 34;
- Insidente violénsia tanba hemu tua lanu hamutuk 31.

Totál insidente violénsia fulan Juñu 2015	
Distritu	Insidente
Aileu	1
Ainaru	5
Baukau	11
Bobonaru	3
Covalima	3
Dili	54
Ermera	6
Lautein	2
Likisá	6
Manatutu	1
Manufahi	9
Oekusi	9
Vikeké	9
Totál	119






INSIDENTE VIOLÉNSIA HO NÚMERU AAS TANBA ASUNTU POLITIKA HAMUTUK 22 MAK AKONSE IHA JUÑU

Hun no abut husi insidente violénsia ne'ebé akontese tanba iha relasaun ho desizaun polítika, hodi provoka insidente entre comunidade no comunidade ho ofisiál governu konsidera sa'e maka'as iha fulan Juñu. Insidente violénsia ne'e balun mak hanesan:

- **POLITIKA PROGRAMA NASIONÁL BA SUKAT RAI HUSI EKIPA SERVISU NASIONÁL CADASTRAL (SNC).** Implementasaun programa Sukat Rai ne'ebé hala'o husi Ekpa SNC hamosu ona insidente violénsia entre comunidade hamutuk insidente 6 (2 akontese iha Bobonaru, 3 iha Dili no 1 iha Oekusi). Insidente hirak ne'e mosu bainhira ekpa Servisu Nasionál Cadastral (SNC), tun ba terrenu atu sukat rai ne'ebé laiha problema maibé realidade hatudu katak, rai ne'ebé uluk laiha problema ka la'ós rai disputa, sai fali rai disputa bainhira ekpa ne'e atu sukat, tanba iha reklamasau no impedimentu. Insidente balun mós akontese tanba dadus disputa rai aumenta ba beibeik no laiha follow up husi lider lokál liga ba dadus disputa rai hirak ne'e. Impaktu mak comunidade balun ne'ebé hanesan família no viziñu hakesuk malu no tarata malu bainhira ekpa SNC to'o iha sira nia fatin atu sukat rai no provoka problema sosiál foun iha comunidade nia leet. Governu hakarak redús problema rai maibé realidade problema rai aumenta nafatin. Iha fulan Juñu, insidente violénsia liga ba rai toos/natar no rai ba uma fatin hamutuk insidente 26.
- **KOMANDU OPERASAUN KONJUNTA (KOK), HANITA IHA MUNISIPIU BAUCAU.** Insidente violénsia liga ba KOK, Hanita hamutuk insidente 6 mak akontese iha Munisipiu Baukau. Insidente hirak ne'e liga ba desizaun governu hodi buka tuir lider no membru grupu Konsellu Revolusionáriu Maubere (KRM). Iha insidente 4 mak akontese tanba membru KOK husu tuir membru KRM sira nia subar fatin, no comunidade sira nia resposta balun hatete la hatene ka la haree. Tanba liafuan "la hatene" no "la haree", entaun membru KOK responde kedas ho asaltu fíziku hanesan basa no tebe. Insidente sériu ida seluk mak akontese iha Aldeia Sigilaba, Suku Atelari, bainhira membru KOK sirku hela fatin ne'e tanba deskonfia lider KRM subar iha ne'e, to'o ikus deskonfia membru KRM mak tiru fali membru KOK ida to'o hetan kanek iha ain. Insidente ida seluk mak pasa revista ne'ebé membru KOK sira halo iha estrada. Iha estudante na'in 2 responde ba membru KOK dehan ho pasa revista ne'e halo sira tama eskola tarde. Tan liafuan hirak ne'e, membru KOK tuku no tebe sira.

- **PROGRAMA NASIONAL ZONE EKONOMIA ESPECIAL OEKUSI.** Ho programa nasional ne'e, hamosu ona tensaun no la kontente husi komidade tanba sira sai fali vıtima husi dezvoltimentu iha sira nia rain rasik. Iha Juńu iha insidente 5 hatudu realidade ne'e. Insidente ida mak akontese Iha lora 22 Juńu membru komidade diskute malu ho Kompania Hutama Karya iha Aldeia Sanane, Suku Costa, Sub Rejiaun Pante Makassar. Eskavadora mai ke'e rai iha sira nia uma oin hodi halo luan estrada, depois familia hasoru Kompania ne'e ho trata no hakesuk malu to'o ikus membru PNTL mak akompania fali eskavadora ne'e hala'o nia servisu no la rona familia ne'e nia preokupasaun. Insidente 2 seluk akontese bainhira ekipa instalador eletrisidade atu halo instalasaun ba ahi mak komidade halo asaltu ba ekipa ne'e.


KARATERÍSTIKA INSIDENTE




Emá Ne'ebe Hahu Violensia Nia Jeneru saida?





Vitima Nia Jeneru Saida?



Hun no Abut Konflitu



See Mak Responde?



ATIVIDADE PREVENSAN NO RESPONDE BA KONFLITU

Atividade Ne'ebé Hala'o Husi Ekpa Atensaun no Responde Sedu (AtReS)

- Socializasaun Lei Tara bandu iha Suku Leo Lima Postu Administrativa Hato-Udo durante loron 5 komesa loron 28 Maiu too 3 Juñu. Lei tara bandu nee nia objetivu prinsipál hodi redús konflitu ne'ebé mosu iha komidade nia leet. Eventu nee organiza husi Rede Prevensaun no Responde Konflitu (RPRK) ne'ebé kompostu husi lider lokál sira. Depois de socializasaun taak mos poster Lei tara bandu iha sede suku rua hanesan Suku Leo lima no Suku Foho-Ailiko.



- ▶ Enkontru finaliza Draft Tara Bandu iha Postu Administrativa Maubisse iha dia 5 Juñu. Partisipa iha eventua nee Xefe Suku 9, lia na'in, Xefe Aldeia balun no representante sosiedade sivil. Partisipante hamutuk 32 pesoas.

Atividade Ne'ebé Hala'o Husi Ekpa Mediasaun no Rezolusaun ba Disputa (MRD)

- ▶ Halo mediasaun disputa rai iha Aldeia Maliana Vila, Suku Lahomea, Munisipiu Bobonaru iha loron 18 Juñu 2015 no hetan ona solusaun. Involve iha mediasaun ne'e mak hanesan Belun, Diretór DTPSC Munisipiu Bobonaru ho nia Koordinador disputa, ekpa tékniku SNC no mós Komandante Eskuadra Bobonaru. Mediasaun ne'e konsege hetan duni susesu no rezultadu di'ak ba parte rua. Akordu nee hetan aprovasaun no asina husi parte rua, ekpa mediator no mós observador.

KONA-BA REVISTA NE'E

Revista situaun ne'e relata kona-ba asuntu xave relasiona ho insidente violénsia no tendénsia konfliktu husi koleasaun dados monitorizasaun liu husi Sistema Atensaun no Responde Sedu (AtReS), ne'ebé kobre iha postu administrativu 43, suku 208, husi Postu Administrativa 65 iha Timor-Leste durante Juñu 2015. Belun esforsu atu fahe informasaun ne'ebé up-to-date no serteza ho dados atuál. Hanoin katak, bele hetan mudansa situaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dados ne'ebé ami iha liu husi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Espesialista Prevensaun Konfliktu & Polítika: laurensius.belun@gmail.com